

浦江縣志卷十四

志藝文第一

書目 金石埵

蒔志藝文釐詩賦雜著等文為大卷而書目別立經籍一門埵之考漢書藝文志止載書目而不及篇章此舊例之可從者也今遵之而以金石埵其後庶掌故所存並足資攷證矣作藝文志

書目

浦邑自宋元迄今代有聞人著作林立其中行世

浦江縣志

卷之十四 書目

一

者固多而名存書佚者亦復不少今備錄之雖能補亡庶斯名之不朽也志書目

宋

朱臨 春秋私記一卷 春秋統例二十卷並見

宋史藝文志及鄭氏通志

春秋外傳十卷見宋史藝文志 詩文集

見宋濂浦陽人物記

于世封 易傳 書傳 詩傳並見人物記

子正封 春秋三傳是非說二十卷見人物記

方蒙 七星集受業世封因輯子家二世能文者七人為此集見人物記

朱子槐 浦陽縣經見續文獻通考 咸淳東陽志見方樗朱

子槐傳

毛洪

筆錄

見人物 記凡例

朱怪

春秋羣疑辨二卷

見人物 物記

薛思

先達遺事記

見人物 記凡例

朱紱

東軒日抄

見人物 記凡例

鄭綺

穀梁合經論

見金華 先民傳

錢適

錢述古道文八十卷

見人物 物記

錢億年

雲巢集

見人物 物記

梅執禮

梅節愍文集十五卷

書錄解題 作文安集

倪朴

輿地會元志四十卷

鏗轍錄五卷

浦江縣志

卷之四

書目

二

並見人物 物記

石陵倪氏雜著

見先民傳

傅如松

鵝湖渙羣說

見浦陽人 物補遺

傅如川

朱陸同歸論

見人物 補遺

王萬

易說

太極圖說一卷

書說

詩

說中庸說

論語說

孟子說

奏劄十卷

時習編十卷

並見人物 物記

陳訥

河圖易象本義八卷

見人物 物記

蔡慶宗

春秋集解

見人物 物記

陳文煥

春秋質疑

見戴良陳 府教廣記

方鳳

存雅堂稿九卷

見人物記

正人心書

見金華賢

連傳

吳渭

月泉吟社一卷

見百川書志

張森

靜軒詩集

見賢達傳

傅子桂

孝友菴集

秋巖集

並見崇禎浦江縣志

元

張恕

東菴詩集

見浦陽續人物記

柳貫

待制文集二十卷

別集二十卷

黃潛

柳公墓表作烏蜀山房類稿並見人物記

金石竹帛遺文

見黃潛墓表

字系二卷

近思錄廣輯三卷

見宋濂柳先生行

浦江縣志

卷之四

書目

三

黃景昌

蔡傳正誤

見賢達傳

春秋舉傳論

周正

如傳考

古詩考

並見人物記

戴良

春秋三傳纂元

春秋經傳考三十

二卷

並見先民傳

治平類要十篇

九靈山房集

三十卷

山居稿七卷吳遊稿十卷鄞遊稿九卷越遊稿六卷外集附錄一卷見百川書志

川書志

和陶詩一卷

見九靈先生墓誌

吳萊

尚書標說六卷

詩傳科條

春秋

世變圖二卷

春秋傳授譜一卷

春秋經

說胡傳考誤

古職方錄八卷

並見宋濂吳淵穎先

碑南海古蹟記一卷

見黃氏書目

桑海遺錄

孟

子弟子列傳二卷 樂府類編 楚漢正聲

二卷 唐律刪要三十卷 前見宋人物誌 詩文集

六十卷 門人宋濂編見內閣書目

鄭大和 家範二卷 見人物誌

鄭鏗 正齋集 見賢達傳

鄭濤 旌義編三卷 見人物誌 麟溪集二十二卷

至正間編集諸名人所贈義門詩 葯房集 並見內閣書目 經筵錄一

卷 戴九靈有經筵稿後序

鄭泳 半軒集 內閣書目 鄭氏家儀 見賢達傳

金德潤 紀忍書 見宋濂金治中墓碣

浦江縣志 卷之四 四

王士覺 家則一卷 見黃氏書目

趙良本 醫學宗旨 金匱衍義 見古今醫統 甘棠

集 元至正時廉侯阿年八哈宰浦有善政致仕時邑人賦詩贈之見黃氏書目

明

宋濂 經緯文宗 古賦正音 周禮集註

並見鄭濤潛溪小傳 明文衡作集說 元史二百十二卷 與王濬同

撰見內閣書目 大明日歷一百卷 寶訓五卷 洪武五年

命濂序祖訓纂大明日歷七年日歷成又擇言行之大者為寶訓為序上之見浙江通志 平

漢錄一卷 見紀錄彙編 辨姦錄一卷 見續文獻通考 洪武

聖政記 見焦氏經籍志 代祀高麗山川記一卷 西

渤泥國記一卷

並見澹生堂書目

歷官記

見賢達傳 浦陽

人物記

見嘉靖金華縣志

洪武正韻十六卷

濂等奉勅刊定

宋學士文集七十五卷

鑾坡前集十卷後集十卷翰苑續集十卷

別集十卷芝園前集十卷後集十卷續集十卷

蘿山集十卷朝京集五卷並見百川書志

吟稿三卷

孝經新說一卷

潛溪內外集

三十卷

血見王澤宋太史傳 鄭借潛溪先生行狀潛溪集四十卷芝園集五卷

已傳於學者翰苑集四十卷芝園集歸田後所著四十卷 列朝詩集劉誠意選定為文粹十卷門人方孝孺鄭澹等又選續文粹十卷皆孝孺與同門劉剛林靜樓璉手自繕寫

刊於義門書塾 黃氏書目弋陽黃溥選定潛溪先生集十八卷刊於蜀邑合韓叔陽彙諸家定本為全集三十三卷刊於金華

浦江文藝錄 心經文

浦江縣志

卷之四

書目

五

句一卷 孝慈錄一卷

濂等考定喪服古制為此書太祖序之並

見黃氏書目

龍門子凝道記三卷

燕書一卷蘿山雅言一卷遠言

一卷見尤氏藝文志

無相賸語

唐仲友補傳一卷

並見

浙江通志

文章正原十五卷

見尤氏藝文志

宋璩

水簾洞詩編

玉兔泉詩編

並見浦陽人物

補遺

張孟兼

白石山房稿二卷

見賢達傳 焦漪園經籍志張丁孟

兼集六卷本名丁以字行

戴思恭

丹溪金匱鉤元三卷

證治要訣

證治要訣類方四卷

並見兩浙名賢錄

王勳

河洛圖書八卷

古名臣言行錄見並

人物補遺

鄭淵

遂初集十卷見內閣書目

續文類七十卷

見賢達傳

鄭洧

師古齋稿見賢達傳

鄭瀛

琴譜二卷宋濂爲序見黃氏書目

傅揚善

安素堂集見崇禎縣志

鄭楷

鳳鳴集見賢達傳 宋氏傳芳錄八卷宋濂家世

之書見百川書志 樂堂藝文志作九卷 聚

鄭棠

金史評 元史評 道山集二十卷

浦江縣志

卷之四 書目

六

並見先民傳

鄭柏

金華賢達傳十二卷 進德齋稿

並見先民傳

文章正原見賢達傳 續

文章正宗四十卷見百川書志

鄭炳

奕葉吟鄭重昭重訂

趙友同

存軒集一卷見黃氏書目

方圓

南湖集見崇禎縣志

鄭勳

怡雲集見崇禎縣志

鄭杕

學古齋集見明詩綜

鄭鎰

東明山集見續人物記

張元論 簷簷集七卷 蓬底浮談十五卷見

江通志及續人物記

樓萼 強吟集見人物補遺

樓一堂 瑞槐軒集 鄉約訓言 女則並見崇禎

縣志

倪尙忠 居雲草 鳴籟草 醉吟草 宣化

錄 學製編並見崇禎縣志

鄭崇岳 聖恩錄 家儀並見崇禎縣志

張應槐 續浦江人物記 鳳山博議 存養

錄並見崇禎縣志

浦江縣志 卷之四 書目 七

張一韶 樂府考題 歷代詩章辨體 貽燕

堂集三十卷並見崇禎縣志 九邊圖考 金華文徵

金華詩徵 病餘集 詠史三百篇 手定

金元史並見人物補遺

陳玉 後溪集見人物補遺

金德義 樂舞制畧 靜澹齋集 寶葵約言

並見人物補遺

蔣大祿 變雅解 全志類分十卷 七峯集

林泉集 遂岸集 梅花三百詠並見人物補遺

張元銘 原易編 三皇五帝紀 地理連山

醫墳欵要

並見人物補遺

原樂大成

見人物記

樂則六

卷

見崇禎縣志

傅宗誠

易簡說

詩書春秋禮別什

並見人物補遺

倪立昌

春秋衡八卷

見崇禎縣志

香草園琴胎集

見人物列傳

張元理

師門弦章

見人物補遺

張德曄

諸經纂要

綱目條論

見人物補遺

張一楨

山棲日錄

見崇禎縣志

張孟暄

山堂初學集

見續人物記

張元珂

三才要畧

繩身指掌

並見人物補遺

浦江縣志

卷之四

書目

入

張德嗣

說詩要彙

甕天閑記

並見崇禎縣志

山水

音

見人物列傳

施廷賢

希魯集

兵防要畧

並見人物補遺

課士約

言

見人物列傳

倪仁禎

諫垣疏稿

見崇禎縣志

張一琳

適園草

花間吟

家範

祀儀

並見

崇禎縣志

張一楠

四子口義

易詩書春秋三禮孝經

大指

師友學錄

見人物補遺

張一儒

禮權六卷

見崇禎縣志

張德行 浦陽人物補遺 嘯雲館文集並見人物

列傳

張以邁 南州集 沈水草 匡廬集並見人物列傳

閨秀倪仁吉 凝香閣詩集見金華詩錄

國朝

鄭尚潘 龍圖合解 太極圖說 大學古本

注

中庸解 靜樂堂詩稿

張一燁 浦陽人物列傳

方舒 浦陽儒學淵源錄

浦江縣志

卷之四

書目

九

朱鶴鳴 雪蕉詩集 淇南集 山居草 紀

遊草

戴望暉 望雲集 槐雲集 仙華集 湘雲

集 淇南集

傅旭元 浦江文徵錄 獻徵錄

唐華 密齋詩文集

按前所錄經籍各種緣世遠年湮什不存一良可惜也但傳記所傳不悉泯沒姑志其名以俟好古者之

搜訪

此板於己亥年被樓 捨散不完

暫照乾隆四十一年舊志活字撮補

金石

重刻吉日癸巳碑

宋濂跋云趙之贊皇有吉日癸巳四字在壇山崖石間世傳為周穆王書宋皇

祐四年九月宋景文公自毫遷鎮陽過趙始遣人訪得之今劉莊者因鑿移郡廳筆力雄峭有劍拔弩張之勢其吉日字往往與周淮父伯碩父鼎齊侯鏞鐘諸款識合實二千年奇迹也歐陽文忠公家藏金石遺文甚多其最遠者唯毛伯伯問二敦銘及此文而已趙明誠繼著金石錄獨以手畫類小篆為疑今用周宣王時石鼓文攷之其字形多如小篆恐當與古文科斗書兼行至李斯始以此擅其各爾明誠已信石鼓為周人之書何獨於此而疑之耶濂既手摹刻於浦陽山房恐人惑也又不得不辨今石已佚

鄭氏重刻嶧山碑

嶧山碑秦相李斯書原刻久亡楊士奇云長安第一紹興第二浦江鄭氏第三應天府第四青

社第五蜀中第六鄒縣第七然則翻本甚多當以長安為最浦江又次於紹興而較勝於鄒蜀諸刻石鄭氏所刻當亦是善本也今石已佚

浦江縣志

卷之十四

金石

一

古壁

酈道元水經注浦陽江有琵琶圻圻有古冢墮水壁有隱起字云筮吉龜凶八百一落江中謝靈運取壁

詣京咸傳觀焉乃如龜繇故知冢已入百年矣

唐千歲和尚碑

宋王象之輿地碑目開元二年在浦江寶嚴寺今已無存

左溪講寺碑

唐吏部員外李華記其石舊在左溪寺元邑人柳貫遊左溪山訪朗大師遺跡觀廡間李

華碑命二三友生搨得墨本有詩云摩娑李華碑楷畫辨跟肘固惟製作精所以能不朽搨墨雖模糊尚可形篆籀墨池編唐左溪大禪師碑毛如補書今石已佚其碑文載仙釋門

重建儒學碑記

宋葉味道撰今石已佚碑文載學宮門

二賢祠碑

宋瑞安曹叔遠記云孟氏尚友之論學者進道之功邈矣誦其詩讀其書不必親相與遊從也雖千載

而上可也一鄉之善士凡昔者同居於吾州者皆是也一國之善士凡昔者同居於吾州者皆是也拜跪口肅而口口口口心油然而生焉退而敷釋其行誼泝

流窮源規□遵服而道在斯矣其進莫禦□□□鄉俗
習其何病李侯知退宰浦江其年之間起凋瘵而醒甦
剔蠹弊而明整民心孚洽豪姦銷摧訟平園空氣象舒
暇邑事談笑辦□□侯不自足猶思□俗於永久必興起
其士風而後可□縣學廩四視舊三倍設節愍尚書
梅公東萊太史呂成公□□學使諸生朝夕敬仰
而致思焉節愍生長於浦江當靖康之橫流以身死
難忠槩凜然至今言之猶有生氣使學者思公之捐軀
則一身之私可忘矣亡一身之私而惟道是遵則事君
必忠事親必孝臨大節而不變屹然立於萬夫之表者
由此其基也呂成公世家東萊生於桂林晚家婺城天
稟絕識備道全美徧叩渡江諸老之學而會其全深究
皇朝文獻之傳而通其變高明充廣而擇義至精使
學者□思□□□□□為一國之善士□天下之□師
窮其淵藪之傳則不墜於文義不局於專門闡明經旨
尚友之指□□已深得於中而又舉斯義使一縣之士皆
知所向方則垂裕於浦江者吾道之深未艾侯於是□
□□□□□越之上虞人莊簡公賢孫也莊簡公

浦江縣志

卷之十四

金石

二

□□□為□□□不□□排斥於權臣而不顧□□
□□□□□□□□□□□□□□□□□□□□□□
□□搢紳推尊莫□□與京矣□□□□□□□□□□
院編修官實錄院檢討官曹叔遠□朝議大夫□□□
主管紹興府千秋鴻禧觀□□書并題蓋
按前志藝文亦載是記但佚去其半僅存三百一字
豈當時修志未見此碑歟抑節刪之歟今碑文殘缺
處以藝文存者補之用細字注於旁其無可補則仍
闕如以空方足其數而已碑正書二十行行三十三
字石中斷為二今在學宮崇聖祠

左溪山碑

宋于正封書潛溪宋太史人物記贊曰近過左

虎豹盤拏後先慨然想見其為人登

高遐望精神為之飛動今石已佚

會膳鐘

義門鄭氏鑄元至元戊寅正月既望宋太史濂銘
云仙華之東浦陽之濱軌望其閭旌義其門其義
伊何奕世聚居有碩其根有衍其枝維洽至和宗日蕃
盛匪器修齊曷一羣聽乃範乃鎔乃作鉅鐘揭之崇崇

浦江張縣尹惠政碑

記云漢初曹參相齊用蓋公言清靜

而而益治後入相於其所以治參者治
天下□□□老氏者確矣予嘗恨當時參魯諸儒徒爲
紛紛無以孔門居敬行簡□一言足以包清靜而敬又
本惠持養之功老氏而曾及此乎甚矣夸□□父老來
言其尹張侯之政曰侯爲邑且三年無疾呼遽色簡節
而疏目訴訟之至者開諭使釋賦役聽其自議而均租
稅不待督責而集蓋廉以爲之本而寬以輔之其心惟
恐煩民而民亦更相戒飭惟恐以煩有司是以田里宴
然而承事服役之徒不得乘閒投隙而行其私也吾等
懷德而宜報則願託之貞石吾子其文之又言公退杜
門惟執琴危坐嗚呼侯其有得於敬簡之旨與不然何
以能若是也知有事之爲功而不知無事之爲功有事
之功小無事之功大侯之所以得民無在不可述哉參
之所轄州一而縣六談長吏之賢者僅一二人而侯與
焉公□□□離離衆鳥從之狼方驅羊而豎其隨民
之有幸不幸如是詩人樂士之□□愚所重有憾也雖
然彼其熏厚德而沐清風或者愧悔改勵豈惟浦邑受
侯賜侯名悅遂字彥直大同人祖父皆有勞□□□
□□□□□□□□□□□□□□□□□□□□□□□□

浦江縣志

卷之十四

金石

四

任江西□縣而至今職□至正四年□林郎前國子博
士郡人吳師道記劉文慶書京兆杜本篆額 至正五
年四月日邑士趙文鍼鄭大和洪恩趙大均□□□□
□立石今在黃將軍祠東牆壁中字有殘缺

浦陽五賢贊碑

邑人戴良撰承務郎太常博士臨川危素

兼經筵講官鄱陽周伯琦篆至正十二年十月癸卯同
門友前經筵檢討權參贊浦江鄭濤忠顯校尉婺州路
浦江縣達魯花赤兼勸農事廉阿年八哈儒林郎婺州
路浦江縣主簿騎都刺縣尉洪在典史謝瀚教諭祝應
昇訓導張瑞臣立石今在學宮崇聖祠碑高三尺許濶
二尺餘凡三列每列三十八行行十九字楷書極精碑
左浦陽五賢贊五篆字尤道勁前後有序跋其字間有
剝落不明

婺星君碑

戴良記元至正十二年立石今在東岳廟
前城下字多剝蝕不明全文載祠廟門

惠香寺銅鐘

元至正癸巳十二月二日鑄宋濂爲
之銘銘文載寺觀門其鐘今已無存

九世同居碑

舊在麟溪之上柳貫有鄉友鄭順卿九世同
居請文樹碑詩復戶旌門繫政機仁根義葉

發重徽青瑤刻字標門表形筆登名重布衣奕奕恩榮
增世美繩繩孝弟保家肥蕪辭豈足鋪鴻偉看取芝蘭

引文
緋

鄭氏旌表義門碑 柳貫記石舊在義門庭曲今佚

積善之家四大篆 元至正間治書趙子期篆翰林貢泰甫跋麟溪鄭氏刻石於庭使子孫出入觀

省今石
已佚

東澗第一家五大篆 元武威忠宣公余闕書石舊在義門庭曲今佚

天機流動四大篆 忠宣公余闕書九靈山人刻置軒壁旋以兵燹委棄無存

化城精舍碑 柳貫等為仙華先生寓祠植碣於墓北化城僧舍有立祠植碣後祭方先生文并記

仙華山石壁題名 宋太史濂云予至浦陽仙華問方鳳諸子舊遊處見其石壁題名尚隱隱可辨

東明山石刻 明王汝遊青蘿東明二山記東明山有二石刻乃元揭文安公所撰鄭氏孝友傳其篆籍

浦江縣志 卷之十四 金石 五

皆未剝落東明山即今所稱執簡形今石猶存

元麓山石刻 宋太史濂題元麓山八景詩入章用元漆書諸崖石今八景詩字跡已沒惟石刻元麓山

葉珠晶六字俱存大二尺許而葉字則稍破碎翠霞屏三字大亦如之模糊難辨識至飲鶴川五折泉字大五

寸許稍有損壞鳳簫臺簫字全銷惟鳳字尚完可認若桃花澗飛雨洞釣雪磯諸石刻則俱剝落無存又有飛

泉操亦書崖石今皆磨滅不知其處

淵穎先生碑銘 明宋濂撰文畧曰先生自少有大志專思澤物不欲文士名每慕張宣公為人推明

義利雖一毫不苟取表裏一致與人游驩然有恩愈久愈固身雖羸弱若不勝衣雙瞳碧色爛爛如巖下電見

者改容鑒裁精絕人以古詩文試之先生察其辭氣即知其為某代某人所作當其賦咏捷如雨風一日於故

人家見几上堆剡紙數十番戲為長歌頃刻而盡屬對口口文采縟口觀者驚以為神謂非人所能及銘曰大

火焯焯司於南辰重明宣昭神之伸也有赫厥臨郁紛輪困敷為至文降於人也斧藻交橫黼黻斯皇變化陵

厲動無方也雲流焱行品彙咸亨於煜其光寂無聲也胡積之朕不顯其施返於混茫朱鳥之區也騎箕之精上爲列星發天之符合地真也石室之藏雄文吐芒鬼神呵衛禁不祥也泰華嶙峋長河齋沔永世有耀與之也俱

趙侯神道碑

宋濂撰文畧曰侯自歷官縣州以循良之吏著名及至見危授命又如嚴霜烈日可

畏可仰不賢而能之乎侯之家食尚若此使當大藩之寄其不能爲城郭封疆死守乎執德弗回至死不變在古者猶鮮能之况今人乎賈子所謂顧行而忘利守節而仗義者非侯其誰也是宜銘銘曰天地正氣隨時降升明爲日月流爲風霆我人得之挺然自生直養無害與我道并在子死孝在婦死貞在臣死忠弗撓弗傾苟無是焉欲然不甯言言趙侯萬人之英歷仕州邑以治劇稱大軼錯節不與刃爭和而春陽肅而秋刑讐伏暴強撫綏發惇吏有師傅民有父兄迨於懸車方洋里闕崇論竝議有轟其聽鎮華邊浮方籍老成太白吐芒遭時搶攘侯誓弗屈竟死於兵忠精耿耿上摩日星非氣之正其何以能五里之岡有山若城巨碑巍巍太史勒

浦江縣志

卷之十四 金石

六

銘高風凜然百世可徵

太極宮碑

明張孟兼撰洪武六年勒石今在宮中東壁字跡多剝落不明碑文載祠廟門

王氏義門碑

宋濂撰石佚銘文載風俗志中

黃氏義門碑

宋濂撰石佚銘文載風俗志中

國史研銘

宋濂爲國史以官名研勒銘於陰誕敷帝制人文赤光如吐燭乾坤後千百年傳愈新

海東石研銘

宋濂有海東石研二爲之作銘其一曰形圓如日出東海五色寒芒貫當中發爲人文亮

天功其一曰毓至陽產博桑玉之英人之章

婺溪石研銘

歙之有研自唐開元中葉礪始礪獵師也因遂獸發之後爲南唐元宗所賞愛名遂與端

石齊其地在長城里之龍尾山山一名羅紋其下乃芙蓉溪研溪產者號爲尤長濂嘗獲其一腹有刻文云李少微造元宗時研官也制作絕工緻可寶已銘曰外雖黑內則白馬生角兮性乃易

日本研銘 宋濂有日本研爲之銘曰夷而華四海一家此非文明之化耶

孝感泉三大字碑 明蜀獻王書御史王理銘今石在麟溪泉上

重建浦江縣正衙碑 明教諭李維貞撰正德七年壬申立石今在縣署川堂後牆壁中其文載

公署門

遷建廟學碑 明蘭谿章懋撰正德戊寅九月立石今在崇聖祠已缺八字其文載學宮門

敬一箴碑 明嘉靖五年六月二十日頒刻石今在尊經閣

其心而不忽之謂也元后敬則不失天下諸侯敬則不失其國卿大夫敬則不失其家士庶人敬則不失其身禹曰后克艱厥后臣克艱厥臣五子之歌有云予臨兆民如朽索之馭六馬爲人上者奈何不敬其推廣敬之一言可謂明矣一者純乎理而無雜之謂也伊尹曰德惟一動罔不吉德二三動罔不凶其推廣一之一言可謂明矣蓋德爲元后受

天付託承

浦江縣志 卷之十四 金石

七

天明命作萬方之君一言一動一政一令實理亂安危之所繫若此心忽而不敬則此德豈能純而不雜哉故必兢

德畏慎於

郊禋

之時儼神明之鑒享發政臨民端莊戒謹惟恐拂於人情至於獨處之時思我之咎如何改之不吝思我之德如何勉而不懈凡諸事至物來究夫至理惟敬是持惟

一是協所以盡焉子之職庶不忝厥

天之祖厥

親由是九族親之黎民懷之仁澤覃及於四海矣朕以冲人續承丕緒自諒德惟寡昧勉而行之顧盡持敬之功以馴至乎一德口口務又在處心寡慾驅除邪逸信任耆德爲之匡輔敷求善人布列庶位斯可行純王之道以坐致太平雍熙之至治也朕因讀書而有得焉乃述此

以自勗焉人有此心 萬理咸具 體而行之 惟德是據 敬

焉一焉 所當先務 匪一弗純 匪敬弗聚 元后 奉天 長此萬夫 發政施仁 期保鴻圖 敬怠純

駁 應驗頓殊 徵諸天人 如鼓答桴 朕蒞天眷 爲民之主 德或不類 以爲大懼 惟敬惟一 執

之甚固 畏天勤民 不違甯處 曰敬維何 怠荒

之除 郊則恭誠 廟嚴孝趨 肅于明廷 慎於聞

居 省躬察咎 儆戒無虞 曰一維何 純乎天理

弗參以三 弗貳以二 行顧其言 終如其始 靜

虛無欲 日新不已 聖賢法言 備見諸經 我其

究之 擇善必精 左右輔弼 貴乎忠貞 我其任

之 鑒別必明 斯之謂一 斯之謂敬 君德既修

萬邦則正 天親民懷 永延厥慶 光前垂後 綿

衍蕃盛 咨爾諸侯 卿與大夫 以至士庶 一遵

斯謨 主敬惟一 罔敢或渝 以保祿位 以完其

軀 古有盤銘 目接心警 湯敬日躋 一德受命

朕為斯箴 拳拳希聖 庶幾湯孫 底于嘉靖

程子四箴碑 明嘉靖六年刻石四尺餘 視箴後註云視聽

言動四箴者乃宋儒程氏頤之所作也程氏說人之生

也其性本善後被物欲交攻而此性始有不善視聽言

動四者或不能中此乃受病之處居中而制萬事者心

也心之所授必由視聽得之視聽之不明不聰則言動

皆違天理然視居其首焉程氏說凡人於視不無被那

諸般物色所蔽惟中心安之凡視無不明勿使外物蕩

浦江縣志

卷之十四

金石

八

其中常使中制於外可也書云視遠惟明即此意也要

操存之在吾心無有遠邇視之如一辨其是非觀其善

惡以吾心之正為較察然後可免於昏亂之失矣朕惟

人皆以視為明而人君所視者尤為要焉果以此為則

深為益也凡觀其邪正辨其賢否不為奸巧之所惑庶

幾忠與不肖不得並進用舍不至於倒置矣嗚呼察之

聽箴後註云此程氏言聽之要說道視聽乃為出言

之機一或有差患必至矣前言視之道此言聽之之

道夫人之於視或能察之然又恐聽之未善也目視之

既善耳聽者須盡其善可也耳目之間視聽之際均為

要焉若聽之不審則無以知其是非故聽言之際當分

別其邪正勿使其佞之言從其入人心既受之必為誘

惑書云聽德惟聰即此意也蓋人生之于天具耳目口

鼻之體口之與鼻無所禁者惟耳目為重故以視聽為

戒朕論之曰口與鼻之無所禁乃彼知之自然也耳目

之於視聽乃彼之不能先受者也如口之嗜味知其甘

辛酸苦嘗之自能別也鼻之臭物知其好惡嗅之自能

擇也目之於色則愛其豔麗耳之於聲則愛其音律殊

不知豔麗音律皆人為之也所以反受其害口鼻之覺

故賢之於耳目也故程氏箴云卓彼先覺知其有定謂

既能卓然先覺則自有定向而人君之聽尤當審辨之也書云無稽之言勿聽又云庶頑讒說震驚朕師口聽德之要也人君於聽納之間當判其忠讒而已忠言逆耳近於違我讒言可信近於遜我不能審擇其患豈淺淺哉但使吾心泰定不爲諂佞之徒以惑則所納者未必不可所屏者未必不當惟吾心審斷之而已嗚呼審之言箴後註云樞機者譬戶之軸弩之牙也戎是兵戎好是喜好程子之意說凡人所言必謹其妄出輕發而弩之發矢度而思之務求其中焉言易則至於狂誕言煩不至於支離非聖賢之法言不敢道之於口所以告來世之君子也朕因而論之曰凡人所言必求其合諸道理準諸經傳然後可以爲言也夫言以文身也書云惟口起羞大學云言悖而出者亦悖而入孝經云非先王之法言不敢道斯之謂也人之於言必加謹焉而人君之言尤當謹之先儒云王言如絲其出如綸王言如綸其出如紵人君之發號施令皆言也令出之善則四海從焉一或不善則四海違焉故凡出一言發一令皆當合於天理之公因諸人情之所向背若或徒用己之聰明恃其尊大肆意信口不論事理之得失民情之好惡小則遺當時之患大則致千百年之禍可不

浦江縣志

卷之十四

金石

九

戒畏之哉程氏之作箴其用心也至矣動箴後註云哲人是明哲之人志士是有德行之士誠是念之實守是行之篤理即天理欲即人慾程子說凡人所動作便不可輕舉妄動當審事機可否之如何天理人欲之所在思其事之巨細爲其當爲然後動與道合無有墜失輕躁之病戰兢惕厲如此者惟哲人乃能之君子可不謹之哉朕因而論曰凡人所動爲當求合乎道理察其當爲與所不當爲精別而行之可也而人君之所動爲尤重焉蓋君者以一身而宰萬事不可適己之欲與夫聽信讒佞輕舉妄動或恃中國之強而好征伐或盤遊無度而殘虐百姓凡此類者不可枚舉姑說其大者言之非不可畏慎也哉程氏之作箴其用心也至矣嗚呼者乃輔臣張璠也願之作箴其見道之如此而動與禮合宜朕未之言君子必知矣夫今璠以此言而告朕與夫昔議禮之持正可謂允蹈之哉朕聞於學特因是而註釋其義於以嘉璠之忠愛於以示君子之人嗚呼箴之功宜不在程氏而在於璠也哉用錄此於末云耳嘉靖丁亥歲季冬越三日註釋

宋儒范氏心箴碑 明嘉靖六年刻石今在尊經閣牆中直

范氏心箴六字次為心箴共十二行每行八字寸大楷書後為嘉靖註釋共十四行每行十四字亦楷書小不盈寸今據碑文錄之其註云堪輿是指天地說無垠是無有界限宋儒范氏浚作心箴說道茫茫然天地廣大無有界限而人居其中便似太倉中一粒粟米天地這般大人身這般小人與天地參為三才有非以形體而言惟其心耳蓋心為一身之主吾心克正則百體四支莫不聽其使令若心有一毫不正則被聲色所移物慾所攻便動與理反豈不於人道違哉故范氏之作箴雖是常言西山真氏特錄於大學衍義之中以獻時君宋君雖未能體察而為後世告其致意也深其用功也至是予所嘉慕而味念之箴之作本於范氏非真西山發揚其孰能之哉嗚呼念哉

嘉靖諭勅暨張璵題奏刻石 明嘉靖七年勒石今在尊經閣牆壁中直一尺五寸橫潤

三尺餘共七十三行字數多少不等碑首有聖諭二大字餘皆小楷其字跡多剝落不明今據碑文錄之附載

浦江縣志 卷之十四 金石 十

於右○聖諭內閣輔臣楊一清謝遷張璵□□□朕因十三日聽講官顧鼎臣解說心箴連日思味其意甚為正心之助昨自寫一篇并假為註釋與卿等看嘉靖六年十一月十八日○大學士臣張璵謹奏是月□□日伏承△賜內范浚心箴□□□對揚□□□聖人之用心乎嘆□□□君子道長小人道消之時□□□陰拯陽□□□君子道長小人道消之時□□□日復其見天地之心乎自非△聖人心學得之天其能體悉發明如此臣愚竊有感焉臣昔讀書□□嘗揭范浚心箴及程頤四箴以自勵蓋人心之微眾欲攻之者多自視聽言動而入程頤四箴實養心之大目也况□□□人君一心萬化之主而視聽言動尤當加謹焉者臣於□□□御註心箴敬摹△宸翰付工刻石傳之天下萬世謹復錄程頤四箴一留神省覽○聖諭輔臣張璵一午間得卿錄來視聽言動四箴朕甚喜悅前日因聽講官講心箴回宮深加愛尚欲釋其義不能欲己之心未放過只先強註畧仍咨於卿等欲為藻潤以成所作卿何便付工刻石豈不取人笑乎朕自念上荷天命為人君長當務學以致其知待粗有領會之時再註四箴須賴卿贊之故諭○嘉靖六

年十一月二十二日。臣張璠謹。昨者伏承聖諭仰見△皇上緝熙聖學之至也。宋儒朱熹有言自古聖賢相傳只是理會一箇心。臣竊謂范浚心箴舉其綱程頤四箴列其目相爲發明者也。臣以此用功餘三十年莫之有得。○斯世以廣○然而人見之莫不曰真。○辭第當刻石頒布以○斯世以廣○然而人見之莫不曰真。○之治見於天下而堯舜心法之秘道統之傳固有在矣。程頤四箴尙願聖明啟示謹當再摹宸翰與心箴註並行刻布爲斯民斯道之幸。○聖諭輔臣張璠前日所錄來程氏四箴昨勉強解註朕復思之程氏審道○錄○如此以教後人其功至矣。○但於濮議之事未克力畢其說証君○故朕又述數語於未云與卿先藻潤停當然後書示嘉靖六年十一月二十六日。○臣張璠謹奏伏承△頒示△御註程頤四箴臣仰惟大哉皇言皆根諸身心達諸政事真見帝王之學與儒生大不同者也。何能復贊一辭。○帝王之學與儒生大不同自念所務之學雖不逮程頤而所○

浦江縣志

卷之十四

金石

十一

○王實萬爲過之頤在英宗朝代彭思來爲濮議論○定兄○皇上繼統與英宗繼嗣實大不同使頤居今之世議今之○得復宗○議之說哉謹將△御註四箴與范浚心箴通摹宸翰並行刻布以嘉惠天下後世。○聖諭輔臣楊一清謝遷張璠翟○大學士張璠以宋儒程頤所作視聽言動四箴來告朕深切示卿等嘉靖六年十二月初三日。○臣楊一清臣謝遷臣張璠臣翟鑾謹題△皇上所註范氏心箴及程頤視聽言動四箴俱已勅工部於翰林院空地蓋督豎立以壽來○仍勅禮部通行兩京國子監并南北直隸十三○使天下人士服膺△聖訓有所興起若蒙采納但○有名伏乞△聖明勅定頒示內外一體遵行臣等又仰恩△皇上前所著敬一箴發明心學甚爲親切與前心箴○敬一箴重刻一通設立亭中并仰奉○聖諭○內通分刻左右以成一代之制其於風化良有裨益謹題請旨嘉靖七年二月二十二日奉勅旨卿等所言都依擬行亭名與做敬○禮工二部知道

重修太極宮碑

明嘉靖七年勒石今在宮之右

聲遠樓古鏞

明嘉靖丁酉邑令龍復禮建層樓於泮池之東適古鏞出溪沙中身高五六尺許口大圍

二抱餘莫辨其為何代物乃輦而懸諸樓以鐘聲洪遠顏曰聲遠樓後改名曰鳴鐸咸豐辛酉樓毀於寇鐘墜地光緒丙申復建鐘仍懸其上人皆稱為神物云

宋學士祠堂碑

金華姜良翰撰文義烏樓鎮書丹邑人張元諭篆額明嘉靖辛亥仲冬朔立石今在

祠中長七尺許廣三尺餘字跡間有剝蝕者

宋先生祠堂碑

明學使薛應旂撰文閩人陳元珂書丹金華潘徽篆額今在祠中字跡多剝蝕

重闕宋墓碑

明萬曆三年立石高八尺餘碑文約七百餘字書法秀勁

儒學箴碑

明宣德間製萬曆六年立石今在明倫堂右壁箴曰君國子民教之育之有育無教或淪於異

置吏俾菊建學俾教為教之方本乎師道清修實踐正學博聞成已成物師道用尊為學之方體仁由義誦法周孔亦致文藝化民成俗以善其鄉成德達才以資於邦本末循序用臻實效勗爾師生毋忝學敷

浦江縣志

卷之十四

金石

三

古鼎

在太極宮有萬曆十八年九月吉旦并捐錢姓氏等字身高四尺許口圓大亦如之腹稍加大上旁有二

翼下三足

古鐵瓶二

高尺餘口大三寸許中倍之下小如壺底一有萬曆某年正月數字一有乾隆元年四字在太

極宮關帝座前

古鑪

在太極宮關帝座前高尺許圍大徑尺上旁二翼下三足缺其一有數字模糊不明只乙卯二字尙可辨

認

邑廟古鐘

明萬曆十八年鑄

無來禪院鐘

明萬曆五年鑄今在學宮明倫堂高五尺口大圍二抱餘有無來禪院等字

仙華菴碑

明邑令須之彥撰文主簿憚應明書丹萬曆乙巳清和月刊石今在仙華山字多剝蝕

口黎文昌閣崇報祠祀產碑

萬曆己未孟春樓一堂撰今石在浦陽書院外講堂高四

尺許廣二尺餘間有缺字碑尾有祭文昌星詞曰惟口文章司命祿籍主盟儲英毓秀風起雲蒸口口崇祠億載憑靈誕肆昭格佑我文明尚饗

革除木稅碑

記云浦江依山為縣無關梁之征獨有木商遭偷漏猾戶爭山交訐往往指此為名部使勘查之檄旁午而下長令苦之間議每歲包課二十金繇縣徵收解部額輸什一於千百耳而上控遂絕綦便民也後來法是人非狡獪奸胥居為奇貨竹頭木屑科索靡遺郵墟小構斗室仇家訐以漏稅動破中人之產浦人疾首是役久矣乙卯之歲水部宋公奉差權關於湖適鄉縉紳樓公在虞部首為里中請命而水部須公舊是浦民再生之父也相與緩頰申懇甚力宋遂慨然任之陳於大司空及臺中省俱報可比下車即移交革浦江木稅大書榜示縣之國門間閭加額有若宋元祐罷新法而普天懽呼動地者予奉命分篆浦陽咨訪民瘼與父老談興除至是不覺撫掌快心因念宋公之隨車甘澍須公之誼重并州樓公之情殷桑梓皆不可湮沒無傳謀壽之石以垂不朽原將部示鐫之五父之衢因覓工

浦江縣志

卷之十四

金石

三

伐石其刻資則樓公首綱而予亦分有微俸云須諱之彥南直嘉定人戊戌進士令儀制郎中宋諱良翰江西豐城人丁未進士任屯田員外樓諱一堂邑人癸丑進士原任虞部郎今陞江西瑞州知府文林郎知浦江縣事湖廣監利人胡賓題典史胡宗詔督萬曆己未年季冬按前志藝文載革除木稅記係邑人樓一堂撰考此碑文乃邑令胡賓題文字多相合者茲據碑文錄之以備參考云碑正書十二行行三十二字又後三行字數較少其字亦頗模糊難卒讀石在黃將軍祠東牆壁間

翰林學士宋公碑

麟溪鄭楷撰文鄭崇岳重立石刻鄭崇昭書丹今在宋公祠

重修宋氏墓碑

明按察司副使鄭崇岳撰天啟七年季夏移徙東明書院碑亦移此今石猶存其碑記云宋太史公以累徙蜀道卒旅葬於夔迨家長史輔導蜀藩為啟於王遷葬成都墳制崇廣其耶隴之遺於浦者斬焉無主予先世以親友誼篤代為護視遷謫之始功令嚴切碑石夷毀公夫人墓僅一土阜旁有小阜訛傳為公女而莫辨其為誰何也成化間予祖上猶府君就公故址

建祠歲時致祭因以展省時移勢異近爲右姓所據日夷月毀夫人之墓未盡者抔土旁小阜則不可復識矣予覽之愀然率子弟爲封樹立碑志墓周墊以石欲廣其制厄於地主弗竟無何讀方遜志先生集乃知公子仲珩耐青蘿山趾孫子畏耐夫人墓左則前一小阜當爲子畏墓無疑母子孫三世萃於一邱荒廢二百餘年著明於旬日可勝悲愴嗚呼珠襦金盥異時尙出人間茲墓漶漫之餘終不能毀洵仁人之後有不可泯滅者相與翦其荆棘鑄遜志二壙誌於祠左綴以修復巔未使後人有所憑弔樵夫牧豎亦知爲宋氏之墓豪右不敢肆其侵陵庶於公之念念在麟溪者無負云

宋仲珩壙誌石刻

明天台方孝孺撰天啟七年丁卯季秋望日麟溪鄭崇岳重刻立石今在東明

書院宋學士祠中其辭云遜爲君名仲珩字金華其居宋爲氏父濂名儒國太史曾祖暨祖咸善士德政交昭乃厥諱君資粹清學滄美文辭妙麗天所畀書尤有法配虞李中書舍人王官禋忠孝慎恭世儀範三十有七庚申死季冬八日時加巳姪性迎喪友經紀明葬浦陽江東鄙耐母賈墓蘿山趾仲夏某日襄厥事配方甚淑

浦江縣志

卷之十四

金石

古

憚其子從太史行莫爲主嗚呼致斯果疇使埋石及泉載終始孝孺勒辭書鄭濟

宋子畏壙誌石刻

方孝孺撰鄭崇岳重刊與仲珩壙誌合石其辭云金華宋慎子畏年二十七歲

洪武十三年庚申十一月二十八日以殿廷儀禮司序班卒京師明年五月某日從祖父弟性以其骨歸耐葬浦江蘿山耐母賈夫人墓左天台孝孺誌之曰嗚呼子畏以太史公爲祖以仲珩甫爲父以子之才智奇偉其於富貴壽考皆所宜有而年不及壯仕不充膺舉莫推其故也告哀於幽使陵遷谷變之後有愛才者悼其不幸曰此仁人之子孫尙爲視護其墓

吳公增城碑

明金世俊撰文載城池志中石佚

左溪寺古鐘

薛志明萬曆間有古鐘一口後無存今只存崇禎四年鐘一口

重修醉雪亭碑

邑令記順治十五年勒石今在縣署之西園

清遠山三字碑

國朝康熙間邑人張燧在縣西十五里掘地得石碑一有清遠山三字今在二十

重建仙華寺碑

康熙乙卯知縣毛文埜撰文今在仙華山字跡模糊不明

蓮花庵碑

康熙癸未知縣遲日旭撰記云嘗觀天地者萬物之母也無極而太極者又天地之母也人秉

天地以生而靜會夫無極太極之始湛然朗然儒者之一念不興禪教之本無一物皆是道也獨是人以渺然之身而處茫無涯際之天地間且以億萬年茫無涯際之天地間而忽有渺然之一身口孝則口從何來也是天地為萬物之母而萬物又各有其母生我者我之母也我不奉生我之母而徒奉萬物之物與母萬物之母謂是釋教則然又何一之論其絕滅空虛而隣於不孝也哉余自壬午承乏茲士癸未蒞事過左溪訪禪師月朗遺跡而白犬青猿杳不可覩徒見其山環如徑窈如林森如泉涓如堂廡敞如闢如法象儼如燦如意其中非有勤幹人不辨此既而果有僧會名仲信出接見信本朱族性至孝母周氏孀居好道不吝罄捨家資再建蓮花庵於山之麓產口諸寺而信亦遂祝髮以奉母孝養十餘年母寂葬有加禮吁若信者可謂釋而有

浦江縣志

卷之十四

金石

五

儒行者與非其湛然者不曠朗然者不愚安能有是哉夫人之一身萬物皆備一小天地焉則生我之母即萬物天地之母眾奉我母以奉天地萬物之母其於道也過半矣仲信勉乎哉至其建金身造法器新殿宇置山田皆餘事了然慮其久而湮且侵也并於碑而勒之今石在左溪山間有缺字

重建東臯亭碑

康熙六十一年壬寅秋立石金仁璿書今在亭舊址字跡間有剝落者

忠義孝悌碑

雍正五年勒石今在訓導署南之右碑額有奉旨勅建忠義孝悌碑記十大字下方載

浦江歷朝忠義孝悌姓名多模糊不可認識今據前志人物傳姓氏補其所缺備載祠廟志中

重修浦江縣學碑

乾隆二十一年督學雷鉉撰文載學宮門石佚

浦江縣重造學宮碑

少宗伯天台齊召南撰石佚文載學宮門

重修浦江縣學碑

郡守楊志道撰石佚文載學宮門

重造學宮碑

邑令王果撰石在學宮叙績亭

書院提綱碑 乾隆二十八年十月邑令何子祥撰記云浦陽書院起於壬午六月至癸未九月落成凡

修建新舊廳堂樓閣以及廂房廊廡悉詳書院記中他如拓泮池修鐘樓移育嬰堂葺龍峯亭皆以關涉書院

一體報竣其捐田捐銀佃數一一開載于冊復繪入景圖系之以詩合月泉與五侯祠宋文憲公祠田產租息

悉定章程合之成帙命曰浦陽書院志彙刷成本印送各紳士以便公同稽察有增無替爰挈綱領勒碑嵌外

講堂東壁碑長一尺濶一尺五寸

新建考棚碑 邑人戴殿泗撰嘉慶二十一年立石奎映樓中

朱氏鄉會試路費義田碑 金華校官山陰何綸錦撰邑教諭溥安吳應拔書邑進士王祖

焯篆額嘉慶二十二年丁丑五月立石今在明倫堂右

重建東山亭振鳳觀碑 嘉慶二十四年己卯夏月立石今在舊址牆下東臯洪鶴元撰文西

溪項振元書并題蓋

浦江縣志 卷之十四 金石

尊經閣藏書碑 邑令方功鉞撰安徽江漢章書并篆額道光八年仲春勒石在明倫堂

聖廟巽峯青龍畫像碑 署任知縣吳廷康隸書畫像道光二十一年夏月立石在甘雨亭中

碑高六尺許濶二尺餘今中斷為三

重修鐘樓碑 教諭趙玉鏞撰道光二十四年勒石今在舊址高五尺許廣二尺餘

辟火圖碑 圖篆龜蛇合形六一之精入字邑令黃維同記云真武辟火圖能返風滅火屢著靈驗浙江冬

火災宜懸此圖鎮之擇咸豐壬子年壬子月甲子日壬申時謹募屬太學生陳宗義捐資勒石碑存浦陽書院

青蘿故址四大字碑 咸豐三年鄭氏立石今在青蘿山麓

捐增書院官課碑 邑令卜詢撰咸豐七年三月勒石今在浦陽書院外講堂之左

重建縣署碑 教諭山陰王詒壽撰同治九年冬月立石大堂

書院山長膳資碑 邑令張文藻撰光緒五年四月勒石浦陽書院

重建考棚大堂碑 邑令恩裕撰光緒十二年立石在大堂之左

遷金碑 山陰曹南記建溪戴氏勒石於大塢山左

天門二大字 在仙華山上摩崖書

仙華山三大字 在仙華山頂摩崖書

清虛洞三大字 在仙華山第一峰下摩崖書

第一仙峯四大字 在仙華山上摩崖書

一覽天宇空五大字 在仙華山摩崖書上俱無年月題名

續輯

吳承旨公墓碑 元集賢大學士吳直方父承旨公墓墓碑未立丞相說脫欲為奏勅詞臣撰文直方

曰先父隱約田間少見于事為若挾天子威命以彌文夸侈之固無不可是非所以誠遇先君也卒辭之乃自

浦江縣志 卷之十四 金石 七

豐巨石十五成爲碑大書所封官號復列幼時辛苦艱難與其自誓之意刻諸石陰今石猶存

集賢大學士吳公墓碑 自序歷官次第而系之以辭曰余

三紀際時休明偶膺錄仕位躋極品恩封三世儒者之榮於斯爲至報上一誠如水東注樹碑自銘以詔來裔

人以爲實錄云今石猶存

東巖松雪庵碑 邑令趙懿源記浦江縣西十二里有山曰東巖又名十丈巖岡巒環抱石壁巉削疏

林翠竹映帶左右有清幽寂寞之趣山之腰有洞窈然深廣如大厦上有一潭徑可丈許冬夏不渴洞爲金姓

業故無僧居誅茅結庵自鏡西坤公始鏡西俗姓吳氏吳萊先生後裔祝髮受戒於金陵禮舒白律師投佛律

回浦卓錫於大智寺持律說戒者二十載見東巖山水幽寂遂有終焉之志於是金希勳捨洞與師闢徑開山

即洞爲精舍額曰松雪菴時明崇禎之戊寅歲也十一年即退席焚修於此者二十餘年得度於位下者八人

示寂之後建塔於山右而普洞附焉首岸深谷岑公侍師十餘載既精戒律深谷之弟曰本規本慈皆侍鏡西

焚修洞中本規始終不出本山置產增修護持先業本
規師又得法於正觀寺位相和尚爲洞宗三十六世法
嗣檀施堅請住松雪遂順眾住持菴中面壁危坐者數
年顧以地勢逼仄節衣縮食銖積寸累而順緣樂施者
亦時至于洞之前爲高軒周以廊廡於南建天虛閣一
座江光山色照映窓牖截竹爲筒引洞頂潭水直至香
積厨下以其餘放下灌田禾悟空能使前人之業不墜
而益大之則其繼述之功與分化一方之二老詎有異
乎東巖自鏡西開山至今不過五十有餘年而得三昧
法者兩世三大士豈非山川靈秀之所鍾乎予來此四
載比年穀麥稍登詞訟漸減自公多暇樂游於此巖時
登天虛閣聽松濤泉溜移日忘返悟空嘗述緣始并出
二老語錄示予故次其說使書以刊之石併田地山塘
之數於碑陰以示來者康熙
二十九年十一月三日